



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioan. Petri Maffei, Bergomatis, E Societate Iesv,  
Historiarvm Indicarvm Libri XVI.**

**Maffei, Giovanni Pietro**

**Antverpiae, 1605**

Excerpta Qvaedam E Christophori Acostae Litteris, Ad Praepositvm  
Generalem datis, 4. Non. Ian. 1569, Malaca, qu[a]e fuit olim aurea  
Chersonesus.

**urn:nbn:de:hbz:466:1-11473**

EXCERPTA QVÆDAM E  
CHRISTOPHORI ACOSTÆ  
LITTERIS, AD PRÆPOSITVM GENE-  
ralem datis, 4. Non. Ian. 1569, Malaca, quæ fuit  
olim aurea Chersonesus.

**I**N hoc domicilio Malacensi, præter confes-  
siones, catecheses, & alia ex instituto nostro  
munera, pluribus etiam locis conciones ha-  
bentur: præsertim verò Dominicis diebus ad  
ethnicos sectæ cuiusdam, (Quintinos appel-  
lant) quorû praua dogmata & opiniones vt  
publicè confutarentur, Cõcilium prouinciale decreuerat,  
eamque prouinciã nostris Episcopus demandandam existi-  
mauit. Erit, vt speramus, operæ pretiû. Quæstiones etiã eã,  
quas vulgò casus conscientia nominant, clericis explicatæ  
sanè opportunè, magnaque auditorum tum approbatione  
tum etiam profectu, qui vel è quotidianis eorum interro-  
gationibus sub explicationem perspicere poterat.

Sacra ædes nostra ad rectum hoc anno perducta est, non  
modò capax, sed etiam valde formosa, vel structuræ genere  
ipso, vel loco: sita est enim in vrbis mediæ summo cliuo, vn-  
de ingentia maris terrarumque spatia cernuntur. In eã edi-  
ficationem, & simul ad nos quoque alèdos, eleemosynæ à piis  
hominibus erogantur. Et quoniã hæc domus hospitium est  
nostrorû omniû, qui ex India Malucum, Iaponem, & Sinas  
petût, exponam ea, quæ ad nos variis è regionibus nuper à  
nostris allata sunt: quandoquidè incertû est, ipsorû litteræ  
sintne hoc anno ad vos peruenturæ. Ac de Malucis insulis  
primû: è quibus cognitû est, Amboinenses neophytos (quos  
Franciscus Xauerus & alii deinde Christianis præceptis  
imbuerant) superioribus annis crudeliter admodum op-  
pressos ac vexatos fuisse à natione Maurorum, quos vo-  
cant lauos, in primis fera & immani, & Amboinensibus  
præsertim vehementer infesta, Christianis permultis occi-  
sis, quibusdam etiam à Christo vi metuque alienatis, toto  
denique eo tractu (sunt autem insulæ quamplurimæ) per  
vim occupato. Verùm Lusitani ex India illuc valida classe  
profecti, lauos inde expulerunt, principes scelerum & au-



Stores affecere supplicio, omnes eas insulas ereptas è misera seruitute, sublati discordiis bellisque ciuilibus, quibus inter sese ad internecionem vsque certabant, ad Lusitanie Regis imperium adiungere. optimo loco & ad excurrèdum in primis opportuno, arx cum propugnaculis excitata, impositumque præsidium. Quæ res nostros etiam hortata est, vt amplificanda Christiane religionis causa ibidem sibi domicilium collocandum putarent. itaque ob eam rem illic nonnulli è Societate nostra versantur. Post hæc, variis è Maurorum ethnicorumq; prouinciis legati Lusitanum Præfectum adire, qui ad patrios ritus & ceremonias deserendas, Christiana suscipienda sacra, denique ad imperata facièda sese paratos offerrent, præclarè secum agi, ni repudiaretur, existimantes. Scribunt nostri præterea tantam esse multitudinem eorum, qui ad Christum conuersi iam sunt, vt ad eos erudiendos ac baptizandos, vel si alii triginta in ea loca mittantur, exiguus operariorum numerus sit futurus; vt alias gentes interim taceam, quæ item baptismum efflagitant, in continenti habitantes, Papuas nomine, quæ regio in meridiem adèd extenditur, vt præternauigantes Castellani nunquam ad finem eius oræ peruenire potuerint. Papuis finitimi sunt alii populi, atque inter eos neophyti aliquot, nostrorum paucitate quadriennium circiter magistro ac pastore planè destituti. Secundus verò hic rerum euentus, recénsque victoria, magnam nobis spem afferebat fore vt in iis agris fides Christiana disseminetur magna cum vbertate redituque animarum: easque nationes nec animi ardore nec pietate Iaponiis inferiores futuras. Regio est inter æstum frigusque temperata, nemoribus ac fontibus frequens, & si more nostro colatur, omnis frugum generis copiam pollicetur.

Ex ora Sinarum naues nondum appulsæ. anno quidem superiore cognitum est Christianam rem eodem esse loci, quo antea, nostri in Amaconis portu & emporio sibi sedem locarunt, diuinum ad interiora prouinciæ penetranda expectantes auxilium. Interea Lusitanis negotiationibus in spiritu adiuuandis insistunt. Melchior verò Carnerius Episcopus, pastoralis munere egregiè fungitur: clericos tractat humanissimè: eosdem excipit sæpe conuiuio, vt per eam occasionem spiritali quoque reficiat cibo. Itaque magna est apud omnes in gratia, nec modò clericos, sed etiã

laicos,



laicos, quos ille amantissimis verbis & exemplis Christiana-  
nae humilitatis instituit. Pecuniarias multas nec saepe im-  
ponit, & domum suam exactas deferri non patitur. valetu-  
dinarium est curandis leprosis (quorum magna est in iis fi-  
nibus multitudo) ipsius opera & consilio constitutum, non  
paruo utique cum corporum tum etiam animorum bono,  
(multi quippe ea ratione conuertuntur ad Dominum) huic  
ergo valetudinario Melchior eiusmodi pecuniam attribuit  
statim.

Ex Iapone hoc anno litteras nondum accepimus: si fue-  
rint allatae, mittentur ad vos.

Hæc mihi in presentia, quæ scriberem, occurrerent. Re-  
liquum est, ut Malacensem hanc domum atque familiam,  
sacrosanctis tuis, Pater optime, sacrificiis precibusque eo  
diligentius adiuues, quo maius illi periculum impedit. ru-  
mor est enim, Acenorum Regem (si populi sunt insulae ma-  
gnæ Taprobanæ, quam hodie Sumatiam vocant) ad obsi-  
dionem huius vitis comparare sese, certè perniciose Malacæ-  
sibus agitare consilia. Malaca, 4. Non. Decembris, 1569.

EX ALOISII GOVEANI LITTERIS, DATIS  
Coulano è collegio Saluatoris, 18. Calend. Feb. 1569.

**V**ERBS hæc, in qua commemoramur laborantes in vinea  
Domini, & in Comorinensem quoque tractum subinde  
excurrentes, jacet ad montis cuiusdam radices, passum  
à mari novè circiter millia. Salubre calum, aquæ optimæ,  
annona plurima, gens verò ad pacis æquæ ac belli munia  
solers: Christiana sacra multi suscipiunt, qui iam susceperunt,  
tum frequenti sacramentorum usu, tum etiam animi cædore  
atque munditia, & in ceteros, benignitate & officiis, egregium  
probitatis ac veræ fidei specimen præbent.

Mauris ethnicisque oram hanc non exigua quandoque clas-  
se instantibus, armati resistunt sanè fortiter, præstantque  
magnam in catholica fide constantiam.

In neophytis est egregia pietate mulier. ad eam cum ethni-  
ci quidam adiissent, petentes nescio quid patrio delubro of-  
ferendum, id postulatum usque eo mulier tulit indignè, ut  
scopis arreptis (quod genus iniuriæ apud eos in primis  
contumeliosum est, atque idcirco à magistratibus etiam se-  
verè admodum vindicatur) ita tenaciter, ut extorqueri non  
possent,

possent,